

2012-2013 სასწავლო წლისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის დოქტორანტურის საფეხურზე მიღების გამოცხადების, რეგისტრაციის ვადებისა და პროცედურის შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, 49-ე მუხლის პირველი პუნქტის, 56-ე მუხლის, არასამეწარმეო (არაკომერციული) იურიდიული პირის - ილიას სახელმწიფო უნივერსიტეტის წესდების მე-17 მუხლის მეორე პუნქტის, აკადემიური საბჭოს მიერ 2010 წლის 26 ივლისის №43 სხდომის ოქმით დამტკიცებული უნივერსიტეტის სადისერტაციო საბჭოსა და დოქტორანტურის დებულების, ილიას სახელმწიფო უნივერსიტეტის მეცნიერებათა და ხელოვნების ფაკულტეტის საბჭოს 2012 წლის 6 ივლისის №4 სხდომისა მეცნიერებათა და ხელოვნების ფაკულტეტის დეკანის 2012 წლის 10 ივლისის №03-8209/12 სამსახურებრივი ბარათის საფუძველზე

ვბრძანებ

1. გამოცხადდეს მიღება ილიას სახელმწიფო უნივერსიტეტის მეცნიერებათა და ხელოვნების ფაკულტეტის შემდეგ სადოქტორო პროგრამებზე:

ა) სიცოცხლის შემსწავლელ მეცნიერებათა სადოქტორო პროგრამა(ეკოლოგია, მოლეკულური ბიოტექნოლოგია და ბიოქიმია, მოლეკულური ნეირობიოლოგია, ცხოველთა სამყაროს სტრუქტურა და დიაგნოსტიკა, ნეირომეცნიერება) – 18 ადგილი;

ბ) მედიცინის სადოქტორო პროგრამა – 4 ადგილი;

გ) სოციალური და ჰუმანიტარული მეცნიერებების ინტერდისციპლინური პროგრამა (სოციოლოგია, პოლიტიკის მეცნიერება, ფსიქოლოგია, კულტურის კვლევები, ფილოლოგია, ისტორია, ხელოვნებათმცოდნეობა)– 15 ადგილი;

დ) ჯანდაცვის პოლიტიკა და მენეჯმენტი (ჯანდაცვის მენეჯმენტი, საზოგადოებრივი ჯანდაცვა და ჯანდაცვის პოლიტიკა, ფარმაციის მენეჯმენტი, ჯანდაცვის ეკონომიკა და ჯანდაცვის პოლიტიკა)– 7 ადგილი;

2. მეცნიერებათა და ხელოვნების ფაკულტეტის დოქტორანტურის საფეხურზე სწავლის გაგრძელების მსურველებმა 2012 წლის 7 აგვისტოდან 2012 წლის 3 სექტემბრის ჩათვლით 18.00 საათამდე უნდა შეავსონ უნივერსიტეტის ვებ-გვერდზე, მიღების გრაფაში განთავსებული სარეგისტრაციო ფორმა და ფორმასთან ერთად გააგზავნონ ქვემოთ ჩამოთვლილი დოკუმენტები შემდეგ ელექტრონულ მისამართზე phd@iliauni.edu.ge :

ა) პირადობის მოწმობის ასლი;

ბ) აკრედიტებული უმაღლესი საგანმანათლებლო დაწესებულების მიერ გაცემული მაგისტრის (ან მასთან გათანაბრებული) ხარისხის დამადასტურებელი დიპლომი ან ცნობა ხარისხის მინიჭების შესახებ, თუ დიპლომი ჯერ გაცემული არ არის.

გ) ინგლისური ენის ცოდნის არანაკლებ B2 დონის ფლობის დამადასტურებელი საერთაშორისო სერთიფიკატი, ინგლისურ ენაზე ბაკალავრიატის ან მაგისტრატურის სრული ან არასრული კურსის გავლის შესახებ ინფორმაცია ევროპაში და/ან აშშ-ში (ასეთის არსებობის შემთხვევაში).

დ) CV;

ე) ფოტოსურათი 3X4-ზე.

3. დოქტორანტურის საფეხურზე სწავლის გაგრძელების მსურველებს, გარდა ამ ბრძანების მეოთხე პუნქტით გათვალისწინებული პირებისა, რომლებმაც წარმატებით გაიარეს რეგისტრაცია, წერილობითი გამოცდა ინგლისურ ენაში ჩაუტარდებათ 2012 წლის 15 სექტემბერს.

4. ინგლისური ენის გამოცდისგან თავისუფლდებიან ის პირები, რომლებიც რეგისტრაციის დროს წარმოადგენენ ინგლისური ენის ცოდნის არანაკლებ B2 დონეზე ფლობის დამადასტურებელ საერთაშორისო სერთიფიკატს და ასევე ის პირები, რომლებსაც ინგლისურ ენაზე აქვთ გავლილი ბაკალავრიატის და/ან მაგისტრატურის სრული ან არასრული კურსი ევროპაში ან/და ამერიკის შეერთებულ შტატებში და რეგისტრაციის დროს წარმოადგენენ შესაბამის დოკუმენტაციას.

5. ინგლისური ენის წერილობითი გამოცდის შედეგები გამოქვეყნდეს 2012 წლის 19 სექტემბერს.

6. იმ კანდიდატთათვის, რომლებმაც წარმატებით გაიარეს ინგლისური ენის გამოცდა, გასაუბრება ჩატარდეს 2012 წლის 20 სექტემბრიდან 25 სექტემბრის ჩათვლით.

7. გასაუბრების შედეგები გამოქვეყნდეს 2012 წლის 26 სექტემბერს.

8. გასაუბრების შედეგად გამოვლენილი წარმატებული კანდიდატები უნივერსიტეტში სწავლის გაგრძელების სურვილის დასადასტურებლად და ხელშეკრულების გასაფორმებლად უნდა გამოცხადნენ ილიას სახელმწიფო უნივერსიტეტის სასწავლო პროცესის ადმინისტრირების დეპარტამენტში, მის: ჩოლოყაშვილის გამზ 3/5, E კორპუსი, ოთახი №242/241, 2012 წლის 26 და 27 სექტემბერს და თან უნდა იქონიონ შემდეგი საბუთები:

ა) პირადობის მოწმობა, ან პასპორტი - ორიგინალი;

ბ) აკრედიტებული უმაღლესი საგანმანათლებლო დაწესებულების მიერ გაცემული მაგისტრის (ან მასთან გათანაბრებული) ხარისხის დამადასტურებელი დიპლომი-ორიგინალი ან აკრედიტებული უმაღლესი საგანმანათლებლო დაწესებულების მიერ გაცემული ცნობა მაგისტრის ხარისხის მინიჭების შესახებ (თუ დიპლომი ჯერ გაცემული არ არის) - ორიგინალი;

გ) ინგლისური ენის ცოდნის არანაკლებ B2 დონის ფლობის დამადასტურებელი საერთაშორისო სერთიფიკატი - ორიგინალი, ასეთის არსებობის შემთხვევაში. ასევე იმ პირებმა, რომლებსაც ინგლისურ ენაზე აქვთ გავლილი ბაკალავრიატის და/ან მაგისტრატურის სრული ან არასრული კურსი ევროპაში ან/და ამერიკის შეერთებულ შტატებში უნდა წარმოადგინონ შესაბამისი დამადასტურებელი დოკუმენტაციის ორიგინალები.

დ) იმ შემთხვევაში თუ სწავლის გაგრძელების მსურველს მაგისტრატურის საფეხური დამთავრებული აქვს საქართველოს ფარგლებს გარეთ, შესაბამისი ხარისხის დამადასტურებელ დოკუმენტთან - დიპლომთან (ორიგინალი) ერთად უნდა წარმოადგინოს განათლების ხარისხის ეროვნული ცენტრის მიერ გაცემული დოკუმენტი(ორიგინალი)- უცხოეთში მიღებული განათლების აღიარების შესახებ.

9. მეცნიერებათა და ხელოვნების ფაკულტეტს დაევალოს 2012 წლის 28 სექტემბერს მიაწოდოს რექტორს იმ პირების სია, რომელთაც გააფორმეს ხელშეკრულება მათი ჩარიცხვის შესახებ ბრძანების გამოსაცემად.

10. დაევალოს უნივერსიტეტის კანცელარიას ამ ბრძანების დაინტერესებულ პირთათვის საჯარო წესით გაცნობა.

11. უნივერსიტეტის საზოგადოებასთან ურთიერთობის სამსახურს დაევალოს ამ ბრძანებაში მითითებული ინფორმაცია განათავსოს უნივერსიტეტის ვებგვერდზე.

12. უნივერსიტეტის კანცელარიას დაევალოს, მიაწოდოს ამ ბრძანების ასლები მეცნიერებათა და ხელოვნების ფაკულტეტს, საზოგადოებასთან ურთიერთობის სამსახურს, ხარისხის უზრუნველყოფის სამსახურს.

რექტორი

გიგი თევზაძე